


[www.BibleForChildren.org](http://www.BibleForChildren.org)



Yahwana 14



"A sara huda hya ndzə mai. Hya hənggəri ənga Hyal,  
ba hya hənggəri ənga yi tsu. Wu ki dədə vir nggya a'yi  
gangəu. Ma a'yi nda da abangə mai, yu nda nar hyi.  
Ma'yi nga ya a ndəna aga ya da pabər hyi vi. Ma ya  
ma'yiri yi da pabər hyi vi, yu sha shida aga ya sa fa'ari  
hyi a ndəgya yau,  
aga vira ya ri,  
əna nga hyu  
nggya."



Nayi Yahwana, zamər hyi, kəra wu cir zəmə əkkə'yi  
hyi wu sa bwabwatəu, ənga wu təlkur Hyal, ba  
ənga wu mba dəfu kəra nər mən wu


Kərsiti Yesu. Nji kədləna  
da a gwar dzəgur dəl nə



Patəmosu arya ndər  
Hyal kəra yi tətəlna  
ənga sakida kəra yi  
ləri ar kəra Yesu.




Ənggərna ba Mambəl shida ar kəra yau, ba yi lari  
tsəkafə a dəməlmau ənga vanyi ndau a vər nggya ari.



Təma, kə yi nggari kalar sə kəra ənga pi a dəməlmau  
ənga kəra a gyiwu 'yi, ba kəra a gyu ndəla 'yi'yi ba  
ənga kəra a gwu dəl, patəkura  
səra ənga nda vər thlə miya, ndu  
na, “Fal, ənga dəgalkur ənga  
kadakadarkur ba dənama a  
nggyari anə ndəra vər nggya ar  
tsəkafə nə  
təlkur ənga tsu  
anə Zər Game  
ba'anuwa!”



Kə yi lari Məlmə Cicau, Urshalima mafəliyange a vər shida sara a dəməlmau, sara dara Hyal ənggər kwanjili kəra bathlər dzə mənəhəu aga səkə salkwanjili. Kə yi nggari vanyi dəhə dzədzəgaməu sara dar tsəkafə kau, wu na, "Vir nggya Hyal a dəri əkkə'yi nji, ju nggya əkkə'yi nda, ndu də nji nyi ba Hyal ənga kərnyi wu nggya əkkə'yi nda ba ja də Hyalər nda."



Kə waladi kə canə da dəl nə 'yimi nə pi, kəra wu mbəl  
wilwilu ənggər doragaləu, kəra a vər huhwi sara dar  
tsəkafə nə Hyal ənga nə Zər Gamə a gyar hada lagu  
nə hada məlmau.



Məlmə kə a'yi wu yiwu pəci ənga hya nda mbəl a gya gwa mai arya kadakadarkur nə Hyal ənga kənyı ngu lə mbəmbəl anə nyi ənga Zər Gamə tsu naja ngə pitəlla nyi.




Sa'yi kəra gəra cicau,  
kəra wu nda gwa gwa  
mai, alaga ndər məl  
sə gəra səli ənga  
ndər ngguta nju nda  
gwagwa mai, kəl njira  
nji tsəfəya thləmər  
nda wu ləkakadə pi  
nə Zər Gaməu.



"Ju nda dana nda sɛlɛm  
wu liya nda. Tsu nju bɛra  
tɛ mai, sɛ'yingu a'yi alaga  
tiwi ɛnga kwakwadɛkur  
nggyabiya a'yi mai, ara sɛ  
dɛdɛmɛ a tɛrabiyaɾi."




Tsu shi'wu nə Hyal wu bəra da wu məlmə kə mai.  
Tsəkafə nə Hyal ənga nə Zər Gamə wu nda da wu  
məlmə kau. Njir məl thlər nyi wu nda dləvə nyi. Ndu  
nda lari bama ja. Thləmə nyi tsu wu nda da tsətəfə ar  
hudəma nda.



Kə yi lari njira kudau, nji yidəfəu ənga nji  
nggunggurəm tata'yi wu mwar tsəkafa nyi. Kə nji  
pahəna ləkakadə'yar. Kə nji bəra pahəna vanyi  
ləkakadəu, ca ngə ləkakadə nə pi. Nji məliya nyi numa  
anə njira kudau tsa'a aga səra məla nda  
wu pəci kəra nda wu duniya ənggər kəra  
nji tsəfəya a gu ləkakadə'yar kau.

Kalar ndəra nji gəra  
uya thləmə nyi wu  
ləkakadə nə pi kau,  
ba nja vakuwa nyi  
a gu fa'a nə u'ur  
kətsa.



Mambəl ənga kwanjili kə na, “Shila mau!” Kalar ndəra  
nggar da, ta'yi ja na, “Shila mau!” Kalar ndəra ənga  
hili, ta'yi ja shili ənga kalar ndəra wu yiwu aga ja uya  
'yimi nə pi, bəgə ja dləwuri kurthləu.



Arya Hyal ca yiwukur anə njir duniya  
gagadau, ca ngə da ji ləri Zər nyi  
zəmə pir, aga kalar ndəra hənggəri  
ənga ja, naji wu tə mai, ama ju  
uya pi gəra kudau.



Ibraniya 9:27 Ənggər kəra Hyal fiya aga nda tau aga zəmə pathləu, ayukuda tē nyi kəl səkə numa nə Hyal,

Afisa 2:8,9 Ara lagur mayiwakur Hyal nga hyi uya mbədau, lagur mbərsar hyi. Nahyi a'yi asən hər dləva nyi mai, ama lə sə kurthlə ngau, sara ara Hyal. Mbədau a'yi səra nju uya lagur məl sə mənəhə ngə mai, agabangau, ndər sən hwavi ar kəri a'yi tsu mai.

Yahwana 3:16,17 "Arya Hyal ca yiwukur anə njir duniya gagadau, ca ngə da ji ləri Zər nyi zəmə pir, aga kalar ndəra hənggəri ənga ja, naji wu tē mai, ama ju uya pi gəra kudau. Arya Hyal a'yi səwa Zər nyi a shida wu duniya aga ja sa məlna nyi numa anə duniya mai, ama aga njir duniya a uya mbədau lagu nyi."



Yahwana Nə Tanggərma 5:11-13 Najakau ca ngə sakida nyi, abər Hyal a nə mən ri pi gəra kudau, pi kə tsu, wu Zər nyi nga nyi. Kalar ndəra ənga Zəra nyi, pi a'yi ara ja. Ma ndəra gəra ənga Zər Hyal, pi a'yi ara ja mai. Ya vər tsəfə sə kau anə hyi, nahyi kəra hənggəri ənga thləmər Zər Hyal, aga hya səni abər pi gəra kudau a'yi ara hyi.



Yahwana 14; 2 Kwaranthli 5;  
Mətakər Nə Yahwana 4, 21, 22

Storyline by: Edward D. Hughes

Illustrated by: Lazarus  
and Alastair Paterson

Adapted by: Sarah S.

Marghi South NT (mfm) Initiative for the Translation and  
Development of African Languages and Margi Tiwi Nga  
Təm

<https://www.bible.com/bible/4083/MAT.1.MFMTNT>

©2026 Bible for Children, Inc.

[www.M1914.org](http://www.M1914.org)

[www.bibleforchildren.org](http://www.bibleforchildren.org)

